



## m pa na n kō-y kibar ne zūnuub bedã sēn yūd bedrem?"

Yii a Abu Bakrata nengē (Wēnd yard be a yīnga) a yeelame: Nabiyaamã, (Wēnd puusg la A tɪlgr be a yīnga) yeelame: "m pa na n kō-y kibar ne zūnuub bedã sēn yūd bedrem?" Tɪ tōnd yeele: n-yēe Wēnd Tēn-tuuma, t'a yeele: yaa lagm-n-taar ne Wēnde, la roagdb a yiibã namsgo, la a ra kɪlame t'a zīndi n yeele: la zīri-beedo, la a pa bak n yilemd-a, hal tɪ tōnd wa yeele: a pa na n yaa n sīndī.

[Naşun Şahuhun (Gom-sikdem sēn manege)] [B zemsa taab a zugu (A Al-Buḥariy la a Muslim n reeg-a)]

Nabiyaamã, (Wēnd puusg la A tɪlgr be a yīnga) kōta a Şahaabsã kibare zūnuub bed sēn yūdã, n togs bãmbã b tãabã: 1-Yaa lagm-n-taar ne Wēnde: yē me yaa f sēn na n wēnems tūud-rãmbē wã, tūudum, n kō zēng sēn ka Wēnde, la fo sēn na n mams zēng sēn ka Wēnd ne Wēnde, tūudmã wεengē, la Sobēndã wεengē, la yuy wã la sɪf-rãmbē wã. 2-Yaa roagdb a yiibã namsgo: yē me yaa namsg buud fãa ne roagdb a yiibã, zem tɪ yaa gomde, maa yaa tuumde, la fo sēn na n bas maneg n tug b yiibã. 3-Yaa zīri-beed koεega, sēn be yē pugē me yaa kaset zīri: yē me la gom fãa sēn yaa zīri-beedo, b sēn yage, n rat n na n paog ned ning b sēn yag n roglã, n na n reeg a ligdi, walla maan n zuug a zugu, a burkīndē la sēn wōnd rē. La Nabiyaamã, (Wēnd puusg la A tɪlgr be a yīnga) a yɪlma bugsgã zīri-beedã koεeg zīigē, tɪ yaa sēn na n wīnig a wēngã la a sēn basd vūun wēns nins nimbuiidã pugē wã, hal tɪ Şahaabsã wa tug n yeele: d sã n da paam t'a sīndi: tɪ yaa Nabiyaamã nimbãan-zoεega, la Şahaabsã sēn leb n kis bũmb ning sēn namsd Nabiyaamã yīnga.

<https://sunnah.global/hadeeth/mos/show/2941>

